



Pou Piblikasyon Imedya: 14/11/2023

GOUVÈNÈ KATHY HOCHUL

## GOUVÈNÈ HOCHUL ANONSE PRÈSKE 16 MILYON DOLA POU EDE FÈM NEW YORK YO REPONN AK ENPAK CHANJMAN KLIMATIK YO

*Finansman pwogram nan te double ane pase, sa ki ede 116 fèm ogmante dirabilite anviwònmantal ak rezistans kont evènman move tan ekstrèm yo*

*Pwojè yo chwazi yo pral redwi gaz a efè sè yo nan yon estimasyon 64,000 tòn metrik chak ane*

*Li sipòte ajanda sou klima ak Lwa sou Lidèchip Klamatik ak Pwoteksyon Kominotè Gouvènè a ki se lidè nan nasyon an*

Gouvènè Kathy Hochul te anonse jodi a yo ap akòde prèske 16 milyon dola atravè Faz 7 Pwogram Sibvansyon pou Agrikilti ki Rezistan fas ak Chanjman Klamatik (Climate Resilient Farming Grant Program) la pou ede 116 fèm nan tout Eta a abòde enpak chanjman klamatik la. Pwogram Agrikilti Rezistan fas a Chanjman Klamatik la se yon pati nan kad Jesyon Anviwònman Agrikòl Eta a Distri Konsèvasyon Tè ak Dlo Konte (Soil and Water Conservation District, SWCD) a ak kiltivatè k ap patisipe yo ap dirije lokalman. Pwojè yo chwazi yo pral redwi gaz a efè sè yo nan yon estimasyon 64,000 tòn ki ekivalan dyoksid kabòn chak ane — oswa elimine plis pase 14,000 machin chak ane nan wout yo pou yon ane, ogmante dirabilite anviwònmantal ak ranfòse rezistans pou evènman move tan ekstrèm ki gen rapò ak chanjman klamatik. Finansman pou pwogram sa te double nan Bidjè Adopte Ane Fiskal 2023 Eta New York la nan kad ajanda agresif sou klima Eta a.

"Endistri agrikòl New York twò souvan fè fas ak gwo defi ki asosye ak klima k ap chanje nou an, soti nan inondasyon rive nan sechrès sa ki afekte rekòt yo ak mwayen pou viv yo", **Gouvènè Hochul te deklare.** "Pwogram Sibvansyon Agrikilti Rezistan ak Klima a ap abòde defi sa yo davans, ede kiltivatè nou yo aplike pwojè ki anpeche domaj ki gen rapò ak move tan an epi asire ke kiltivatè nou yo fè pati solisyon chanjman klamatik la lè yo diminye emisyon gaz efè sè yo epi redwi anprent sou anviwònman yo".

Atravè sèt faz Pwogram Sibvansyon Agrikilti ki Rezistan ak Klima a, ki gen ladan dènye faz sa a, yo te bay prèske 36 milyon dola pou ede 386 fèm atravè Eta New York pou aplike Meyè Pratik Jesyon (Best Management Practices, BMP) ki ede diminye emisyon gaz ki lakòz efè tèmik, amelyore sante tè a epi ankouraje ekonomi enèji. Pwojè yo

ogmante kapasite irigasyon epi mete aksan sou jesyon dlo yo tou pou atenyé efè peryòd sechrès yo gen sou kilti ak betay yo, ansanm ak peryòd ki gen anpil lapli ak inondasyon yo.

Pa egzanp, depi pwogram nan te kòmanse, yo te bay prèske 40,469 ekta tè kouvri nan 178 fèm pou ede kontwole ewozyon, sezi kabòn, ak amelyore sante tè, amplis, 63 ekta tè tanpon forè rivyè yo te planifye nan 49 fèm pou pwoteje rekòt kont domaj inondasyon, pamì lòt benefis.

Yo te akòde Distri Konsèvasyon Teren Agrikòl ak Dlo (SWCD) nan Konte yo sibvansyon nan non kiltivatè yo pou youn nan twa kategori pwojè sa yo: jesyon betay pou rediksyon metàn; pwojè adaptasyon ak detèminasyon pou ede fèm yo kenbe tèt ak chanjman klimatik ekstrèm move tan; ak Healthy Soils NY pou ranfòse matyè òganik nan tè a, sezi kabòn, diminye ewozyon tè ak polisyon nitritif nan vwa navigab yo, epi ogmante rannman rekòt yo.

Pwogram Sibvansyon Agrikilti ki Resiztan ak Klima a swiv kad planifikasyon Jesyon Anviwònman Agrikòl Eta a epi se SWCD konte yo ki dirije I ak aplike I. SWCD Konte yo travay ak fèm ak kominote yo pou konsève resous natirèl yo epi adrese defi ak opòtinite anviwònman ijan yo.

Yo te bay SWCD nan rejjon sa yo sibvansyon Faz 7 pou Pwogram Agrikilti ki Rezistan ak Klima a:

- **Rejyon Kapital:** 1,221,092 dola pou travay avèk fèm nou yo
- **New York Santral:** 1,817,866 dola pou travay avèk 17 fèm
- **Finger Lakes:** 4,342,175 dola pou travay avèk 40 fèm
- **Hudson Valley:** 381,210 dola pou travay avèk senk fèm
- **Mohawk Valley:** 2,804,446 dola pou travay avèk 12 fèm
- **North Country:** 1,283,743 dola pou travay avèk 15 fèm
- **Southern Tier:** 1,801,037 dola pou travay avèk 11 fèm
- **Lwès New York:** 1,469,802 dola pou travay avèk 12 fèm

Pou yon lis konplè ak deskripsiyon pwojè yo akòde sibvansyon yo, tanpri vizite [sitwèb Depatman Agrikilti ak Mache a \(Department of Agriculture and Markets\)](#).

**Komisè Agrikilti Eta New York la, Richard A. Ball, te deklare**, "Pwogram Sibvansyon Agrikilti ki Rezistan ak Klima a ap kontinye bay solisyon reyèl nan batay nou an pou konbat chanjman klimatik epi pou bay kiltivatè nou yo pwoteksyon ki fè fas ak difikilte reyèl apre kantite gwo evènman move tan nou te wè isit la nan New York pandan ane yo. Mwen remèsyé Gouvènè Hochul ak Lejislati nou an ki kontinye sipòte ajanda klimatik Eta a ak pwogram ki ap ogmante dirabilite anviwònman nou an".

**Komisè Depatman Konsèvasyon Anviwònmantal (Department of Environmental Conservation, DEC) Eta New York la, Basil Seggos, te deklare**, "Pwogram

Sibvansyon Agrikilti ki Rezistan ak Klima atravè Depatman Agrikilti ak Mache yo ap bay kiltivatè yo resous yo bezwen pou ranfòse efò Eta a pou konbat chanjman klimatik ak finansman pou ogmante rezistans ak amelyore dirabilite nan fèm New York yo. Kiltivatè yo jwe yon gwo wòl nan ede diminye emisyon gaz a efè sè, asire yon anviwònman pwòp ak manje ki an sante, epi fè avanse yon avni pi vèt pou Nouyòkè yo. Pwogram sibvansyon sa a yo te ananse jodi a souliye angajman Gouvènè Hochul te pran pou l' envesti nan sektè agrikilti a ak efò kontinyèl li pou ede konbat chanjman nan klima a epi avanse dirabilite".

**David Fisher, ki se Prezidan Biwo Agrikòl New York (New York Farm Bureau, NYFB), te deklare,** "Kiltivatè New York yo byen konprann konsekans chanjman klimatik yo sou fèm yo ak wòl yo nan diminye enpak li yo ak nan diminye anprent kabòn yo. Pwogram Agrikilti ki Rezistan ak Klima a ede fèm lan nan toude efò sa yo, ede fèm yo aplike pi bon pratik jesyon ki bati sou yon istorik jesyon anviwònman solid. Biwo Fèm Agrikòl New York remèsye Gouvènè Hochul pou sipò li kontinye bay pwogram nan ansanm ak Distri Konsèvasyon Tè ak Dlo atravè eta a ki se patnè enpòtan nou yo".

**Senatè Eta Michelle Hinchey te deklare,** "Kiltivatè nou yo se premye temwen yon klima k ap chanje, epi yo bezwen sipò kontinyèl nou pou ede ogmante metòd ki pi efikas pou jesyon anviwònman an ak rezistans kont move tan. Pwogram Sibvansyon Agrikilti ki Rezistan ak Klima a se yon enstriman nan efò sa a, li ede kiltivatè yo atravè eta a, tankou nan distri mwen an, kote de fèm legim nan Konte Ulster ap fè tranzisyon soti nan ponp dyezèl pou pase nan ponp irigasyon elektrik. Mwen remèsye Gouvènè Hochul, Ag & Markets, ak Distri Konsèvasyon Tè ak Dlo lokal nou yo pou patenarya yo nan ede plis kiltivatè kontribye anpil nan batay nou kont Kriz Klimatik la".

**Manm Asanble Donna Lupardo te deklare,** "Pwogram Agrikilti ki Rezistan ak Klima a bay kiltivatè yo resous yo bezwen pou yo pi byen abòde enpak chanjman klimatik la sou kiltivatè yo, ak sou pratik agrikilti yo. Pwojè finanse yo adrese domèn enpòtan anpil tankou rediksyon metàn, rezistans kont move tan ak sante tè. Mwen ta renmen remèsye Gouvènè a ak kòlèg mwen yo pou sipò yo kontinye bay pou pwogram nan ak Distri Konsèvasyon Tè ak Dlo pou travay ki gen anpil valè yo fè".

**Prezidan Komite Konsèvasyon Tèren Agrikòl ak Dlo Eta New York la (New York State Soil and Water Conservation Committee), Dale Stein, te deklare,** "Pwogram Sibvansyon Agrikilti ki Rezistan ak Klima a ap kontinye bay kiltivatè nou yo ak Distri Konsèvasyon Tè ak Dlo yo resous yo bezwen pou aplike pi bon pratik jesyon nan fèm nan ki pa sèlman ede pwoteje resous natirèl nou yo epi redwi anprent anviwònman yo, men tou ki bay yo yon pwoteksyon kont evènman move tan ki ka devaste rekòt yo. Avèk plis finansman sa a, pwogram nan ap rive touche plis fèm atravè eta a. Mwen fyè de endistri agrikòl nou an ak kontribisyón yo nan batay kont chanjman klimatik la".

Lanse an 2015, Pwogram pou Agrikilti ki Rezistan ak Chanjman Klimatik la sipòtè sektè agrikòl Eta a nan satisfè objektif li yo pou redwi emisyon gaz a efè sè ak ogmante sezi kabòn sou tè ki eksplwate yo nan kad Lwa sou Lidèchip Klimatik ak Pwoteksyon Kominotè (Climate Leadership and Community Protection Act, CLCPA) Eta a.

Jiskaprezan, atravè pwogram nan, avèk sipò teknik ekspè Konte SWCD yo bay, prèske 400 fèm yo te kapab aplike chanjman ki kontribiye nan yon anprent anviwònmantal ki redwi ak ogmante rezistans kont efè klima k ap chanje.

### **Plan Klimatik Nasyonal Eta New York ki Alatèt Peyi a**

Ajanda nasyonal sou klima Eta New York la se inisyativ sou klima ak enèji pwòp ki pi agresif nan peyi a. Atravè Lwa sou Lidèchip Klimatik ak Pwoteksyon Kominotè a, New York gen yon objektif pou l fè tranzisyon ale nan enèji pwòp ak sektè elektrisite zewo emisyon rive 2040, ki gen ladan 70 pousan jenerasyon enèji renouvlab rive 2030, ak pou atenn netralite kabòn nan tout ekonomi an.

Li chita sou envestisman san presedan New York pou devlope enèji pwòp yo, ki enkli plis pase 35 milya dola nan 120 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redu emisyon batiman yo, 1.8 milya pou devlope enèji solè, plis pase 1 milya dola pou inisyativ transpò pwòp ak plis pase 1.6 milya dola nan angajman NY Green Bank yo. Mete ansanm, envestisman sa yo pèmèt kenbe prèske 158,000 travay nan sektè enèji pwòp la nan New York an 2020, yon kwasans 2,100 pousan nan sektè enèji solè a ki distribiye depi 2011 ak yon angajman pou devlope 9,000 megawat enèji ewolyèn sou lanmè a disi 2035.

Selon Lwa sou Klima a, New York pral apiye sou pwogrè sa a epi diminye emisyon gaz efè sè yo pou 85 pousan pa rapò ak nivo 1990 yo lè nou rive nan 2050 pandan y ap asire ke omwen 35 pousan avèk yon objektif 40 pousan nan avantaj ki genyen nan envestisman nan enèji pwòp pou benefisyé kominote defavorize yo epi fè pwogrè avanse nan direksyon sib efikasite enèji Eta a pou lane 2025 la pou diminye konsomasyon enèji sou sit la pou 185 mil milya BTU (inite tèmik britanik) nan ekonomi enèji utilizasyon final.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418  
Enskri pou w jwenn mizajou Biwo Gouvènè a: [ny.gov/signup](http://ny.gov/signup) | Voye tèks NEW YORK bay 81336

[ANILE ENSKRIPSYON OU](#)